



Na osnovu člana 37. i 87., stav 2. Zakona o državnoj službi u Tuzlanskom kantonu ("Službene novine TK", br: 7/17, 10/17, 10/18 i 14/18), a na zahtjev Ministarstva zdravstva Tuzlanskog kantona, Agencija za državnu službu Federacije BiH, objavljuje

**JAVNI KONKURS**  
**za popunu radnog mjesta državnog službenika u Ministarstvu zdravstva**  
**Tuzlanskog kantona**

**Radno mjesto:**

**-Stručni savjetnik za pravne poslove - 1 (jedan) izvršilac**

**Opis poslova:** vodi upravni postupak i rješava u upravnim stvarima u drugom stepenu; vodi upravni postupak i rješava najsloženije upravne stvari u prvostepenom upravnom postupku (poseban ispitni postupak); učestvuje u izradi ugovora i drugih akata koji se odnose na rješavanje imovinsko-pravnih, obligacionih, dužničko-povjerilačkih odnosa u upravnom postupku, kao i rad na realiziranju tih ugovora i akata; izrada i donošenje pojedinačnih akata koja se odnose na prava, dužnosti i odgovornosti službenika i namještenika iz radnog odnosa ili u vezi radnog odnosa; izrada i donošenje pojedinačnih akata koja se odnose na izdavanje odobrenja, saglasnosti, registraciju i drugih akata predviđenih zakonom i drugim propisom; učestvuje u izradi prednacrta ustavnih amandmana; učestvuje u izradi prednacrta, nacрта i prijedloga zakona, drugih propisa i općih akata, nomotehničku obradu tih propisa kao i u pripremi izmjena i dopuna tih propisa; donosi određene pojedinačne akte, po ovlaštenju ministra; prati propise i opšte akte iz nadležnosti Ministarstva; učestvuje u izradi godišnjeg programa i tromjesečnih planova rada i izvještaja o radu Ministarstva i prati realizaciju programa rada; priprema odgovore na poslanička pitanja; daje stručna mišljenja o prednacrtima, nacrtima i prijedlozima zakona, drugih propisa i općih akata; preduzima potrebne pravne radnje u vezi sa rješavanjem zahtijeva podnesenih Ministarstvu, izrađuje odluke, rješenja i druga akta u vezi s tim; izrađuje pojedinačna akta koja se odnose na izdavanje odobrenja, saglasnosti, registraciju i druga akta predviđena zakonom i drugim propisima; obavlja i druge poslove po nalogu koji mu se povjere; za svoj rad odgovara pomoćniku ministra Odjeljenja, odnosno ministru.

Kandidati moraju ispunjavati opće uvjete iz člana 38. Zakona o državnoj službi u Tuzlanskom kantonu i to:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme odnosno visoko obrazovanje najmanje prvog ciklusa Bolonjskog sistema studiranja, što se utvrđuje uredbom iz člana 10. stav (2) Zakona o državnoj službi u Tuzlanskom kantonu;
4. da je zdravstveno sposobno za obavljanje poslova predviđenih za to radno mjesto;
5. da u posljednje tri godine, od dana objavljivanja upražnjenog radnog mjesta, lice nije

otpušteno iz državne službe kao rezultat disciplinske mjere, na bilo kojem nivou vlasti u Bosni i Hercegovini;

6. da nije obuhvaćeno odredbom člana IX 1. Ustava Bosne i Hercegovine.

Pored općih uvjeta kandidati moraju ispunjavati i posebne uvjete propisane Pravilnikom o unutrašnjoj organizaciji i to:

- VSS/VII stepen stručne spreme ili visoko obrazovanje najmanje prvog ciklusa Bolonjskog sistema studiranja sa ostvarenih 240 ECTS bodova - pravne struke,
- najmanje 3 (tri) godine radnog staža u struci, nakon završene VSS.

### **Prijavljivanje-potrebni dokumenti:**

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Tuzlanski i Posavski kanton, Trg Slobode bb, 75000 Tuzla ili na web stranici Agencije [www.adsfbih.gov.ba](http://www.adsfbih.gov.ba)).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme, u skladu sa uslovima iz konkursa (original ili ovjerenu kopiju), na propisanom Obrascu uvjerenja (može se preuzeti u prostorijama Odjeljenja Agencije za Tuzlanski i Posavski kanton, Trg Slobode bb, 75000 Tuzla ili na web stranici Agencije [www.adsfbih.gov.ba](http://www.adsfbih.gov.ba)).

Nisu izuzeti od polaganja ispita općeg znanja i kandidati koji imaju rješenja nadležnih organa drugih upravnih nivoa vlasti u Bosni i Hercegovini o oslobađanju od polaganja stručnog upravnog ispita.

### **NAPOMENE ZA KANDIDATE:**

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, [www.adsfbih.gov.ba](http://www.adsfbih.gov.ba). Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavjestiti o vremenu i načinu dostavljanja dokaza o ispunjavanju uvjeta javnog konkursa. Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva. Kandidati u javnom konkursu moraju ispunjavati uvjete javnog konkursa sa danom njegove objave, u „Službenim novinama Federacije BiH“ neovisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH  
Odjeljenje Agencije za Tuzlanski i Posavski kanton  
Trg Slobode bb, 75 000 Tuzla**

**sa naznakom:**

**“Javni konkurs za popunu radnog mjesta državnog službenika u Ministarstvu  
zdravstva Tuzlanskog kantona sa pozivom na broj: 09-30-8-155/20”**

**DIREKTOR**

**Refik Begić, magistar uprave**